

# БАНК АХБОРОТНОМАСИ

БАНК ХОДИМЛАРИ ВА ТАДБИРКОРЛАРНИНГ ҲАФТАЛИК НАШРИ

№ 11 (1190) 2019 йил 14 март

1995 йил январдан бошлаб нашр этилмоқда

ISSN 2010-6602

@bank\_axborotnomasi

Сайтимизга ўтиш учун QR коддини телефонингиз орқали сканер қилинг



## Абу-Даби тараққиёт жамғармаси Ўзбекистонга инвестиция киритмоқчи

12 март куни Тошкентда бўлиб ўтган Ўзбекистон ва Бирлашган Араб Амирликлари ўртасидаги савдо-иқтисодий ва техник ҳамкорлик бўйича ҳукуматлараро комиссиясининг навбатдаги мажлисида Абу-Даби тараққиёт жамғармасининг Ўзбекистон бўйича инвестициявий лойиҳалари ҳақида маълумот берилди.

Абу-Даби тараққиёт жамғармаси вакилининг қайд этишича, мазкур лойиҳаларнинг энг биринчиси ҳамкорликда қўшма инвестиция компаниясини ташкил этишдир. Жамғарма томонидан мазкур лойиҳага 1 миллиард АҚШ доллари миқдорида сармоя киритиш мўлжалланмоқда. Иккинчи лойиҳа Самарқанд шаҳри инфратузилмаси бўйича. Бунга жамғармадан 5 миллион АҚШ доллари ажратилади. Учинчи лойиҳа ҳам Самарқанд шаҳрига боғлиқ бўлиб, жамғарма томонидан ҳудуддаги меҳмонхоналар, савдо марказларига инвестиция киритилиши режалаштирилмоқда. Бу бўйича техник ҳисоботлар ҳам олиб борилган.



Бундан ташқари, Абу-Даби тараққиёт жамғармаси Ўзбекистон қишлоқ хўжалигига ҳам сармоя киритишни кўзда тутмоқда.

ЎЗА

## Товарларни нақд пулсиз сотишда чакана савдо корхоналари учун белгиланган чекловлар бекор қилинди

Ҳукуматнинг айрим қарорларига ўзгартиришлар киритилди (201-сон, 08.03.2019 й.). Бу ҳақида "Ҳуқуқий ахборот" канали маълум қилган. Киритилган ўзгартиришларга мувофиқ, юридик шахсларга ўзлари ишлаб чиқарган товарларни бошқа юридик шахсларга ва яққа тартибдаги тадбиркорларга нақд пулда сотишига рухсат берилди. Илгари ҳисоб-китоблар фақат нақд пулсиз шаклда амалга оширилиши мумкин эди.



Бунда, нақд пул воситасидаги ҳисоб-китоблар битта шартнома доирасида энг кам ойлик иш ҳақининг 100 бараваригача (20 млн. 273 минг сўмгача) миқдорда ҳамда назорат-касса машиналаридан фойдаланган ҳолда амалга оширилиши лозим.

Шу билан бирга, юқорида кўрсатилган сумма доирасида эндиликда товарларни улгуржи сотиш нақд пулда ёки нақд пулсиз шаклда, шу жумладан, пластик карточкалар орқали ҳам амалга оширилиши мумкин. Илгари товарларнинг улгуржи савдоси фақат нақд

пулсиз ҳисоб-китоб асосида амалга оширилиши лозим эди.

Амалдаги қонунчиликка кўра, чакана савдо корхоналари товарларни нақд пулсиз сотиши мумкин, лекин бунда нақд пулсиз ҳисоб-китоблар корхонанинг ойлик товар айланмаси умумий ҳажмининг 10 фоизи доирасида амалга оширилиши лозим эди.

Ўзгартиришларга асосан, товарларни нақд пулсиз сотишда чакана савдо корхоналари учун белгиланган мазкур чекловлар бекор қилинди.

## Қисқа хабарлар

**Молия вазирлигида** Максим Орешкин бошчилигидаги Россия Федерацияси Иқтисодий ривожланиш вазирлиги делегацияси билан учрашув бўлиб ўтди.

Учрашув давомида Ўзбекистон Республикаси Ҳукумати ва Россия Федерацияси Ҳукумати ўртасида 2019-2024 йилларга мўлжалланган Иқтисодий ҳамкорлик дастури муҳокама қилинди. Шунингдек, қишлоқ хўжалиги,

ёқилғи ва энергетика ҳамда муҳандислик соҳаларида 54 лойиҳа бўйича фаол иш олиб борилмоқда.

Қишлоқ хўжалигини ривожлантириш лойиҳалари доирасида экспорт салоҳиятини ошириш, қишлоқ хўжалиги маҳсулотларини етказиб бериш заanjирларини биргалликда оптималлаштиришни кўлайитириш марказлари тармоғини яратиш режалаштирилган.

## AGROBANK

Бугунги кунда мамлакатимиз иқтисодиётини янада ривожлантиришда хорижий давлатлар билан ўзаро манфаатли алоқаларни мустаҳкамлаш ва шу орқали хорижий инвестицияларни жалб этиш борасида устувор ислохотлар амалга оширилмоқда.

Жорий йилнинг 5-6 март кунлари Ўзбекистон – Венгрия савдо-иқтисодий ҳамкорлиги бўйича ҳукуматлараро мажлис муносабати билан Будапешт шаҳрида ташкил этилган бизнес-форумда «Агробанк»

вакиллари ҳам иштирок этди.

Ўтказилган учрашувлар натижасига кўра, ҳукуматлараро комиссия доирасидаги бизнес-форумда «Агробанк» Венгриянинг «Эксимбанк» билан 13 миллион Евро миқдоридаги инвестицион лойиҳаларни молиялаштиришни кўзда тутувчи ўзаро ҳамкорлик келишувига эришди.

Мазкур келишув икки томонлама ҳамкорликни ривожлантириш ва инвестиция фаолиятини кенгайтиришга, республикамизнинг ишлаб чиқариш ҳажмини ошириш ҳамда янги иш ўринлари яратишига хизмат қилади.



«Трастбанк» ХАБ ташкил топганлигининг 25 йиллиги муносабати билан акция ўтказиши бошлади. Энди банкнинг исталган филиалига мурожаат этиб, VISA CLASSIC-Exchange халқаро виза картасини бепул очтириш мумкин. Сугурта депозити қолдиги -

10 АҚШ долларини, маблағни тезкор равишда фаоллаштириш - 40 минг сўмини, йиллик абонент тўлови эса 10 АҚШ долларини ташкил этади.

Шунингдек, **ON-LINE** усулда сотиб олинган хорижий валютани эртаси куни нақдлаштириш олиш имкони ҳам бор. «Трастбанк»нинг конверсион картаси орқали банкнинг исталган хизмат кўрсатиш шохобчаларидан чет эл валютасини нақдлаштириш 0,2 фоизи ташкил қилади.



«Туронбанк» АТБ Хитойнинг «Экспорт-импорт банк»и ва Россиянинг «Азия-Инвест Банк»и кредит линиялари орқали «Бизнесингизни молиялаштириш ва ривожлантириш учун кредитлар»ни таклиф этмоқда.

Шунингдек, «Осиё тараққиёт банки»нинг «Ўзбекистон

Республикасида мева-сабзавотчилик тармоғида қўшилган қийматни яратиш занжирини ривожлантириш», «Халқаро Тараққиёт ассоциацияси» (IDA) нинг «Ўзбекистон Республикасида чорвачилик соҳасини ривожлантириш» ва «Халқаро Тараққиёт ва тикланиш банки»нинг «Ўзбекистон Республикасида боғдорчилик секторини ривожлантириш» лойиҳалари доирасида ҳам кредитлар ажратмоқда.

## УШБУ СОНДА

НАҚД ПУЛ МУОМАЛАСИ  
БЎЙИЧА  
ДЕПАРТАМЕНТЛАР  
ҚАЙТА ТАШКИЛ  
ЭТИЛАДИ

2

КИЧИК БИЗНЕС  
ЭКСПОРТ  
САЛОҲИЯТИНИ  
ОШИРМОҚДА



6

СИЗДАН  
БИР ИШОРА  
КИФОЯ...



8

## НАҚД ПУЛ МУОМАЛАСИ БЎЙИЧА ДЕПАРТАМЕНТЛАР ҚАЙТА ТАШКИЛ ЭТИЛАДИ

Марказий банк Бошқарувининг 2019 йил 23 февралдаги 4/9-сонли қарорига асосан банклар зиммасига нақд пуллари бут сақланиши, уларнинг дахлсизлиги ва хавфсизлигини таъминлаш, банк филиаллари кассаларида мунтазам равишда тўсатдан тафтишлар ўтказиб бориш бўйича тегишли вазифалар топширилган.

Шунингдек, бугунги кунда иш ҳақлари ва унга тенглаштирилган тўловлар ошиб бораётгани ҳамда валюта ислохотлари амалга оширилганидан сўнг уларга мутаносиб равишда, банк кассаларига тушаётган нақд пул тушумлари кескин ортиши доирасида нақд пуллар ҳажми кўпайганлиги тижорат банкларига пул муомаласи ва касса ишлари сифатини янада яхшилашни тақозо этади.

Юқоридагилардан келиб чиқиб, Марказий банк томонидан тижорат банклари Бошқарувида ўзларининг

республика аппаратларида алоҳида (мавжуд таркибий бўлинмани қайта ташкил этиш орқали) касса амалиётлари ва нақд пул муомаласи бўйича департамент (бошқарма) ташкил этиш, уларнинг асосий вазифаларини қайта кўриб чиқиб, ушбу вазифаларни ўз вақтида ва сифатли бажариш учун етарли мутахассислар билан бутлаш вазифалари юкланди.

Ушбу департаментнинг (бошқарма, худудий филиалда бўлими) асосий вазифалари сифатида:

- касса ишлари ва нақд пул муомаласига доир "Тижорат банкларида касса ишини ташкил этиш, нақд пул ва бошқа қимматликларни инкассация қилишга доир йўриқнома" (рўйхат рақами 3028, 2018 йил 29 июнь) ва "Ўзбекистон Республикасида банклар томонидан нақд пул муомаласига доир ишларни ташкил



этиш тўғрисидаги йўриқнома" (рўйхат рақами 3003, 2018 йил 1 май) талабларини банк филиалларида бажарилишини назорат қилиш;

- нақд пул ва қимматликларни бут сақланиши, улар билан ишлашда белгиланган қоидаларга риоя этилиши бўйича банк филиаллари бошқарувчилари, бош бухгалтерлари ва касса мудириларининг жавобгарлигини доимий ошириб бориш;

- банк филиалларида нақд пул ва қимматликларни бут сақланиши устидан назоратни кучайтириш орқали банк мижозлари маблағларининг дахлсизлигини таъминлаш, банк филиалларида касса ишлари бўйича тўсатдан тафтишлар сони, сифати ва давомийлигини ошириш;
- касса ишида аниқланган камчиликларни жойида бар-тараф этишни ва камчиликка йўл қўйган банк ходимларига

нисбатан таъсирчан чоралар кўрилиши бўйича доимий равишда банк Бошқарувида маълумотлар киритиб бориш;

- банк филиалларида хўжалик юритувчи субъектлар нақд пул тушумларини топширилишини доимий мониторинг қилиб бориш, нақд пулдаги тўловларнинг ўз вақтида амалга оширилиши ва банккоматларнинг узлуксиз ишлаши ва нақд пуллар билан мунтазам равишда тўлдириб борилиши устидан назоратни ўрнатилган ҳамда банк кассаларига кирим қилинган нақд пуллари филиаллар, мижозлар ва кирим манбалари бўйича доимий равишда мониторинг қилиб бориш, нақд пуллар захирасини ташкил этиш, мижозларнинг нақд пулга бўлган талабларини қондириш учун банк кассаларида нақд пуллари етарли миқдорда бўлишини таъминлаш чораларини кўриш каби бир қатор муҳим вазифалар юкланган.

finance.uz

## «ЎЗСАНОАТҚУРИЛИШБАНК» ВА «КЕВ НАНА БАНК» ЎРТАСИДА ҲАМКОРЛИК БИТИМИ ИМЗОЛАНДИ



### SANOAT QURILISH BANK

«Ўзсаноатқурилишбанк» АТБ ва Корея Республикасининг "КЕВ Нана Банк" и ўртасида ҳамкорлик тўғрисида битим имзоланди.

Хужжат икки мамлакат банки мижозлари ўртасида пул ўтказмалари борасида ҳамкорлик режасини биргаликда ишлаб чиқиш ва маркетинг-ни илгари суриш, хизматлар сифатини яхшилаш бўйича музокаралар олиб бориш, пул ўтказмалари бозори ва меъёрий хужжатлар юзасидан ахборот алмашиш ҳамда банкнинг тармоқ мутахассислари учун ўқув семинарларини ташкил этишга қаратилган.

"КЕВ Нана Банк"нинг Корея пул ўтказмалари бозоридagi улуши қарийб 60 фоиз ёки 3,2 млрд. долларни ташкил этади. 2018 йил ҳолатига кўра, Корея Республикасида қарийб 70 минг ўзбекистонлик мигрантлар мавжуд бўлиб, уларнинг деярли ярми меҳнат муҳожирларидир. 2018 йилда улар учун қулайлик яратиш мақсадида "Ўзсаноатқурилишбанк" АТБ томонидан АҚШ доллари ва еврода мазкур Корея банкида "Ностро" корреспондентлик ҳисоб рақамлари очилган.

"КЕВ Нана Банк" Ўзбекистон учун алоҳида "Востро" ҳисоб рақамларини очиш учун нарҳи ҳамда банккоматлар (easy-

one service) ва мобил илова-лар (mobile banking) орқали ўтказмалар учун воситачилик миқдорини пасайтирди. Масалан, ҳар қандай пул ўтказмаси суммаси учун мижоз 8 минг Корея вонаси (7 АҚШ доллари) миқдориде комиссия тўлайди. Бундан мустасно ҳолатда, чунончи, мобил илова орқали 10 минг АҚШ доллари (ва/ёки ундан юқори миқдори)да пул ўтказмоқчи бўлса, мижоз 10 минг Корея вони (9 АҚШ доллари) миқдориде комиссия тўлайди.

Маълумот учун: "КЕВ Нана Банк" 1967 йилда ташкил этилган. Активлар ҳажми бўйича Жанубий Кореяда энг йирик банк ҳисобланади. Ҳозирги кунда Европа, Яқин Шарқ, Жанубий Америка ва Осиё-Тинч океани минтақасидаги 24 мамлакатда 160 дан зиёд филиалларга эга. Банк ўз мижозларига кенг турдаги банк хизматларини тақдим этади.

2018 йил 31 декабрь ҳолатига банк активларининг умумий ҳажми 340,1 млрд. АҚШ доллари тенга, умумий капитали – 24,0 млрд. АҚШ доллари миқдориде. Ҳисоб-бот даврида банк томонидан мижозларга 179,5 млрд. АҚШ доллари миқдориде кредит ажратилган. Қўрилган соф фойдаси – 1,8 млрд. АҚШ долларини ташкил этди.

finance.uz

## 2018 ЙИЛНИНГ IV ЧОРАГИДА ИҚТИСОДИЁТНИНГ РЕАЛ СЕКТОРИДАГИ ҲОЛАТ ВА КУТИЛМАЛАРНИ ЎРГАНИШ НАТИЖАЛАРИ

Ўзбекистон Республикаси Марказий банки томонидан 2018 йилнинг IV чораги якунлари бўйича реал сектор корхоналари билан ўтказилган сўров натижалари мазкур чорак давомида мамлакатда умумий иқтисодий ҳолатнинг яхшиланиши билан боғлиқ тенденцияларнинг сақланиб қолганлигини кўрсатмоқда.

Сўров давомида иқтисодиётнинг реал секториде ишлаб чиқаришнинг янада юқори суръатларда ўсшига тўққинлик қилаётган омилларнинг сақланиб қолинаётганлиги ҳамда корхона ва ташкилотлар молиявий-иқтисодий фаолиятининг айрим кўрсаткичларининг нисбатан пасайганлиги қайд этилган.

Хусусан, IV чорақда III чоракка нисбатан:

- иқтисодиётда ишлаб чиқариш ва тадбиркорлик фаолиятини юритиш билан боғлиқ хатарларнинг (қийинчиликлар, тўсиқлар, муаммоларнинг) сақланиб қолинаётганлигини маълум қилган респондентлар улушининг ошганлиги;

- айрим корхона ва ташкилотларнинг мавжуд ишлаб чиқариш қувватларидан фойдаланиш даражасининг пасайганлиги;

- иш ўринлари сонининг ошганлигини маълум қилган респондентлар улушининг қисқарганлиги;
- мавсумий омиллар таъсирида табиий газ ва электр энергияси таъминоти борасида ҳолатнинг ёмонлашгани кузатилди.

Шу билан бирга, экспорт фаолиятининг ривожланишига тўққинлик қилаётган омиллар ўрганилганда респондентлар томонидан асосан транспорт харажатларининг юқорилиги, экспорт қилиш билан боғлиқ жараёнларнинг мураккаблиги ҳамда ташқи бозорларда корхона маҳсулотларига талабнинг етарли эмаслиги қайд этилган.

Умумий иқтисодий ҳолат ва ишлаб чиқариш ҳажмларининг ўзгариши 2018 йилнинг IV чораги мобайнида маҳсулотлар (ишлар, хизматлар) ишлаб чиқариш ҳажмлари ўзгариши юзасидан олинган жавоблар, ишлаб чиқариш ҳажмлари реал ҳисобда ошган корхона ва ташкилотлар улуши III чорақдагидек 65 фоиз даражада сақланиб қолганлигини, ишлаб чиқариш ҳажмларининг камайганли-

Маҳсулотлар (ишлар, хизматлар) ишлаб чиқариш ҳажмининг ошишига тўққинлик қилаётган омиллар



гини маълум қилган респондентлар улуши эса III чорақдаги 7 фоиздан сўнгги чорақда 13 фоизгача кўпайганлигини кўрсатди.

Ишлаб чиқариш (хизмат кўрсатиш) ҳажмларининг ошиши тоғ-кон саноатида ҳамда автосаноатда корхона ва ташкилотларнинг 100 фоизиде (III чорақда 100 фоизиде), нефть-газ саноатида 70 фоизиде (III чорақда 40 фоизиде), электроэнергетика соҳасида 80 фоизиде (III чорақда 75 фоизиде), кимё саноатида 79 фоизиде (III чорақда 69 фоизиде), тиббий хизмат соҳасида эса 63 фоизиде (III чорақда 55 фоизиде) кузатилган.

Шунингдек, сўровнома натижалари ишлаб чиқариш ва тадбиркорлик фаолиятини юритиш билан боғлиқ хатарларнинг (қийинчиликлар, тўсиқлар, муаммоларнинг) ошганлигини маълум қилган корхона ва ташкилотлар улушининг III чорақдаги 12 фоиздан IV чорақда 15 фоизгача ошганлигини ҳамда хатарларнинг камайганлигини маълум қилган респондентлар улушининг 51 фоиздан 42 фоизгача пасайганлигини кўрсатди.

Сўров доирасида маҳсулотлар (ишлар, хизматлар) ишлаб чиқариш ҳажмининг ошишига тўққинлик қилаётган омиллар ўрганилган бўлиб, сўров натижалари энергия манбалари нархларининг юқорилигини сабаб сифатида кўрсатган респондентлар сонининг ошганлигини кўрсатмоқда.

Хусусан, маҳсулотлар (ишлар, хизматлар) ишлаб чиқариш ҳажмининг ошишига тўққинлик қилаётган омил сифатида энергия манбалари нархларининг юқорилигини маълум қилган респондентларнинг улуши III чорақдаги 21 фоиздан IV чорақда 27 фоизгача ҳамда бозордаги носоғлом рақобат муҳити ва шароитларини маълум қилган респондентлар улуши 16 фоиздан 21 фоизгача ошган.

cbu.uz






# ТОШКЕНТ ВИЛОЯТИ “СУВ ОҚАВА” ДУК ЖАМОАСИ

**Азиз юрtdошлар!**

**Юртимизга энг гўзал ва азиз байрам –  
Наврўзи олам ташриф буюрмоқда.**

**Биз мамлакатимиз аҳлини баҳор айёми билан самимий  
қутлаймиз. Ўзбекистонимиздан тинчлик-фаровонлик,  
дастурхонларимиздан тўкин-сочинлик аримасин!**



**Аукцион савдоларида  
миллий валютадаги  
давлат қимматли  
қоғозларини  
жойлаштириш тўғрисида**

Ўзбекистон Республикаси  
Молия вазирлиги ва Марказий  
банк 2019 йил 19 март куни  
“Ўзбекистон республика валюта  
биржаси” акциядорлик жами-  
яти (ЎЗРВБ)нинг савдо тизими-  
да давлат қимматли қоғозлар  
(ДҚҚ)ни қуйидаги шартлар  
асосида бирламчи жойлаштири-  
лишини эълон қилади.

Жойлаштириш усули: ЎЗРВБ  
савдо тизимида аукцион орқали  
очик сотув.

Эмитент – Ўзбекистон Респуб-  
ликаси Молия вазирлиги.

Аукционда жойлаштириладиган  
ДҚҚ реквизитлари:

- ДҚҚ тури: ўрта муддатли обли-  
гациялар;
- идентификацион рақам:  
24006UMFS;
- бир дон облигациянинг номи-  
нал қиймати: 1 000 000 (бир  
миллион) сўм;
- жойлаштириш санаси: 2019  
йил 19 март;
- чиқарилиш ҳажми: 80 000 000  
000 (саксон миллиард) сўм;
- муомала даври: 365 кун;
- облигацияларнинг сўндириш  
санаси: 2020 йил 18 март;
- қатъий белгиланган фоизли  
даромад ставкаси: йиллик 15%;
- фоизли даромад тўланиш дав-  
ри: 3 ой.

Фоизли даромад тўланиш сана-  
лари:

- биринчи давр: 2019 йил 18  
июнь;
- иккинчи давр: 2019 йил 17  
сентябрь;
- учинчи давр: 2019 йил 17 де-  
кабрь;
- тўртинчи давр: 2020 йил 18  
март.

Аукцион ўтказиш шартлари:

- аризаларни қабул қилиш  
вақти: 09:00 – 11:30;
- аризаларни қондириш вақти:  
15:00 – 16:00;
- тўлов валютаси: сўм;
- битимлар қийматини яхлит-  
лаш: математик яхлитлаш усули  
билан вергулдан кейин иккита  
белгигача.

cbu.uz



**AGROBANK**

**Агробанк Баҳор байрамлари  
муносабати билан янги муддатли  
омонат турини таклиф этади!**

**“Баҳор – 2019”**

миллий валютадаги омонати:

**Муддати – 13 ой;**

**Фоиз ставкаси йиллик – 21 фоизгача;**

**Минимал талаб – 1 000 000 сўм.**

**Шошилинг, омонатга маблағлар  
жорий йилнинг 31 март кунига қадар қабул қилинади.**

*Агробанк омонатлари Сиз учун!*

/AgrobankChannel

Agrobank Mobile иловасини юклаб олинг

www.agrobank.uz

тел. (+99871) 203 88 88

/agrobankuzbekistan



Хизматлар лицензияланган

**ТАДБИР**

**АЁЛНИ УЛУҒЛАШ – ОИЛАНИ,  
ВАТАННИ УЛУҒЛАШ ДЕМАК**

Ўзбекистон Республикаси ИИВ Ёнғин хавфсизлиги инсти-  
тутида «8 март – Халқаро хотин-қизлар кунини» байрамига  
бағишланган «Аёл борки – олам мунаввар» номли мад-  
аний-маърифий тадбир бўлиб ўтди.

Тадбирни Институт бош-  
лиги, юридик фанлари док-  
тори Нуриддин Норматов  
очиби, бугунги кунда мамла-  
катимизда хотин-қизларнинг  
жамиятдаги нуфузини оши-  
риш, қонуний ҳуқуқ ва ман-  
фаатларини таъминлаш, сә-  
ломатлигини мустаҳкамлаш,  
оила, оналик ва болаликни  
ҳимоя қилиш масалалари дав-  
лат сиёсатининг устувор йўна-  
лишларидан бири сифатида  
белгиланиб, бу борада кенг

қўламли ишлар амалга оши-  
рилаётганлигини таъкидлади.  
Жумладан, муҳтарам Пре-  
зидентимиз Шавкат Мирзи-  
ёевнинг 2018 йил 2 февралда  
«Хотин-қизларни қўллаб-қув-  
ватлаш ва оила институтини  
мустаҳкамлаш соҳасидаги  
фаолиятни тубдан такомил-  
лаштириш чора-тадбирлари  
тўғрисида»ги Фармонида  
аёлларнинг ижтимоий-сиё-  
сий фаоллигини кучайтириш,  
қонуний манфаатларини таъ-

минлаш, қобилият ва салоҳи-  
ятини рўёбга чиқариш, оила  
институтини мустаҳкамлаш,  
оналик ва болаликни ҳимоя  
қилишга қаратилган кўплаб  
чора-тадбирлар белгиланган-  
лигини эътироф этди.

Шунингдек, байрам муно-  
сабати билан ушбу даргоҳда  
узоқ йиллар самарали меҳнат  
фаолиятлари билан ёш ав-  
лодга таълим-тарбия бер-  
ган муътабар опа-сингиллар  
ҳамда профессор-ўқитувчи-  
ларнинг турмуш ўртоқлари  
иштироки ҳам даврага алоҳи-  
да шуқуқ баҳшида этаётган-  
лигини таъкидлаб, барча аёл-  
ларни байрам билан самимий  
табриклади.

Тадбир давомида қатна-  
шчилар билан «Аёл – бу...»,  
«Тажрибали ошпаз» ҳамда

ҳодимлар ва уларнинг тур-  
муш ўртоқлари иштирокида  
«Қизқарли дубляж» но-  
мали танловлар уюштирилди.  
Унда экранда намоиш этил-  
ган миллий кинофильмлари-  
миз – «Шум бола», «Суюнчи»,  
«Учрашув» ва «Маҳаллада  
дув-дув гап» фильмларидаги  
қаҳрамонларга овоз бериш,  
эпизодларидан ижро этиш  
орқали ўз қобилиятларини  
синаб кўриш билан бирга  
турли қизиқарли савол – жа-  
воблар тарзидаги байрамона  
тадбир бўлиб ўтди.

Тадбир иштирокчилари-  
да Ички ишлар вазирлиги-  
нинг Ашула ва рақс ансамб-  
ли аъзолари ҳамда Институт  
«Маънавият ва маърифат»  
маркази ҳузурдаги бадиий  
ҳаваскорлик тўғраги аъзо-

лари, Сирғали туманидаги  
2 ва 284-сонли умумтаълим  
мактаблари ўқувчилари жа-  
моаси ижросидаги меҳрибон  
онажонларимизни тараннум  
этувчи шеърлар, дил тортар  
қуй-қўшиқлари илиқ таассу-  
рот қолдирди.

Маънавий-маърифий тад-  
бир якунида Институтнинг  
аёл ходимлари ҳамда ушбу  
даргоҳда узоқ йиллар мобай-  
нида самарали меҳнат қилган  
ва бугунги кунда нафақада  
бўлган фахрий ходимлар  
рағбатлантирилди.

**Фарҳоджон ХОЖАЕВ,**  
Ўзбекистон Республикаси  
ИИВ Ёнғин хавфсизлиги  
институтини ўқитувчиси,  
капитан,  
**Муродилла ОДИЛОВ,**  
Кадрлар бошқармаси  
инспектори, лейтенант


## Кичик бизнес экспорт салоҳиятини оширмақда

Ўтган йили Жиззах вилоятида 2 минг 319 та кичик бизнес ва хусусий тадбиркорлик субъектлари ташкил этилиб, уларнинг умумий сони 11 минг 840 тага етди.

Бугунги кунда уларнинг 11197 таси (94,5 фоизи) фаолият кўрсатаётган бўлса, қолган 648 таси хомашё ресурслари етишмаслиги, ҳисобрақамида айланма маблағи йўқлиги ва кредит олишдаги муаммолар сабаб фаолият юритмаяпти. Бироқ шунга қарамаздан, 2018 йили вилоятда кичик бизнеснинг ялпи ҳудудий маҳсулотдаги улуши 84,3 фоизга етиб, кичик бизнес соҳасида 16 минг 46 та янги иш ўринлари яратилди. Бу йўналишни молиявий қўллаб-қувватлаш мақсадида тижорат банклари томонидан 535,6 миллиард сўмлик кредит маблағлари ажратилди. Натижада ўтган йили кичик бизнес субъектлари томонидан амалга оширилган маҳсулот экспорти 63615,2 минг АҚШ долларини ташкил этиб, вилоят умумий экспортнинг 89,6 фоизини ташкил этди.

Вилоятнинг иқтисодий равнақиға ўз ҳиссасини қўшаётган тадбиркорлик субъектларидан бири Зомин туманидаги "Зомин асл ипак толаси" МЧЖ корхонасидир. У Хитой технологияси асосида йилига 420 тонна хом ва 140 тонна куруқ пиллани қайта ишлашга мўлжалланган. Айни пайтда корхонада қумуш толадан ипак, ипак момиги, струна олиниб, Хитойга экспорт қилинмоқда.

— Корхонамизни янада кенгайтириш мақсадида жорий йилда гилам ва адрас мато ишлаб чиқаришни режалаштирганмиз, — дейди жамият раиси Қиличбой



Нахалов. — Шу мақсадда Хитойдан иккита тикув дастгоҳи келтирилди. 110 нафар ишчи меҳнат қилаётган корхонамизда янги цех фойдаланишга топширилди, яна 50 нафар йигит-қизнинг бандлигини таъминлаш ниятидамиз.

Зарбдор туманидаги "Зарбдор парранда" масъулияти чекланган жамияти ҳам юртимизда тадбиркорлар учун яратилаётган имконияту имтиёزلардан оқилона фойдаланмоқда. Парҳезбоб гўшт ишлаб чиқаришга ихтисослашган ушбу корхона 2017 йили 2 миллиард сўм кредит эвазига иш бошлаб, 14 кишини иш билан таъминлади. Айни пайтда жамият аъзолари аҳоли дастурхонига ойига 45 тонна парранда гўштини етказиб бераётир.

— Маҳсулотнинг бир қисмини туман марказидаги шохобчамизда сотишни йўлга қўйганмиз, — дейди корхона иш юритувчиси Шамсиддин Тошбоев. — Айни пайтда ишчи кучи ва маҳсулотни кўпайтириш устида иш олиб бораёلمиз. Яна 30 минг дона бройлерлар жўжа парваришлар учун қўшимча жой ҳозирлаёلمиз. Бу 40 та янги иш ўрни яратиш имконини беради.

Шунингдек, вилоятда тадбиркор аёллар сафи ҳам кенгайиб бормоқда. Жумладан, ўтган йили тижорат банклари томонидан 1500 нафардан зиёд тадбиркор

аёлларга 83 млрд. сўм кредит маблағлари берилди ҳамда жаззаҳ вилоят хотин-қизлар кўмитаси ташаббуси билан 80 та кичик цехлар ташкил этилиб, мингга яқин ёшларнинг бандлиги таъминланди. Жорий йилда ҳам тадбиркорлик билан шуғулланиш истагида бўлган аёлларга Хотин-қизларни ва оилани қўллаб-қувватлаш жамоат фонди маблағлари ҳисобидан 6,5 млрд. сўмлик имтиёзли кредит маблағлари ажратилиши кўзда тутилган.

Айни пайтда вилоятнинг энг олис қишлоқларида ҳам гўзаллик салонлари, тикувчилик цехлари ташкил этилмоқда. Кечагина коллежни тамомлаган қизлар бугун тадбиркор, хунарманд сифатида мустақил равишда ўз ишини бошлашга бел боғлаган.

"Обод қишлоқ" дастури доирасида Мирзачўл тумани Гагарин шаҳрида олиб борилган бунёд



корлик ишлари натижасида ҳудудда ишга туширилган "Мирзачўл тикувчилик мажмуаси" ҳам ана шундай тинимсиз саъй-ҳаракатларнинг, тадбиркорларни ҳар томонлама қўллаб-қувватлашнинг ёрқин мисоли, аслида. Биргина мақzur мажмуанинг ишга туширилиши натижасида вилоятдаги 500 нафардан зиёд хотин-қиз ишси бўлиб, оиласи бюджетига ўз ҳиссасини қўйиш бахтига муяссар бўлди.

Жиззах вилояти ҳокимлиги  
Ахборот хизмати

## Эндиликда имтиёзли кредитлар Оилавий тадбиркорликни қўллаб-қувватлаш марказлари ҳулосаси асосида ажратилади



Ҳудудларда аҳолини тадбиркорликка кенг жалб қилиш ва оилавий тадбиркорликни ривожлантиришга доир қўшимча чора-тадбирлар тўғрисида Президент қарори (ПҚ-4231, 07.03.2019 й.) қабул қилинди.

Қарорга мувофиқ "Ҳар бир оила – тадбиркор" дастури доирасида:

— назарда тутилган лойиҳалар ва тадбирларни молиялаштириш Ўзбекистон Республикаси Тикланиш ва тараққиёт жамғармаси ҳамда халқаро молия институтлари кредит линиялари маблағлари ҳисобидан амалга оширилади;

— имтиёзли кредитлар аҳоли ҳамда тадбиркорлик субъектларига йиллик 8 фоиз ставкада 3-6 ойгача бўлган имтиёзли давр билан 3 йилдан кўп бўлмаган муддатга ажратилади.

"Ҳар бир оила – тадбиркор", "Yoshlar – kelajagimiz" ва бошқа шу каби мақсадли дастурлар асосида аҳолига имтиёзли кредитлар эндиликда Оилавий тадбиркорликни қўллаб-қувватлаш марказлари ҳулосаси асосида ажратилади.

Белгиланишича, бунда дастлаб шартнома асосида лойиҳа эгаси (кредит олувчи) га маҳсулотлар (масалан, қорамол) етказиб берилади, лойиҳа эгаси (кредит олувчи) етказиб берилган маҳсулотдан қаноатланиш ҳосил қилгандан сўнг тегишли маблағлар банк томонидан маҳсулот етказиб беришнинг ҳисобрақамига ўтказиб берилади.


Адлия вазирлигининг  
"Ҳуқуқий ахборот" канали

## Замон билан бўйлашиш шарти

Юртимизда тадбиркорлик фаолиятини йўлга қўйиб, илдам одимлаётган ишбилармонлар сони кун сайин ортмоқда. Ана шундай инсонлардан бири "UNIQUE AGE" МЧЖ тасвирчиси Нодир Ҳасановдир. У 5-6 йилдирки, улгуржи маҳсулотлар савдоси билан шуғулланиб, ўз бизнесини янада кенгайтириб бормоқда.

— 20 йилдирки, тадбиркорлик билан шуғулланиб келяман. Дастлаб дўкон очиб, чакана савдо орқали соҳанинг паст-баландини ўргандим, — дейди тадбиркор. — Бугунги кунда эса улгуржи маҳсулотлар савдоси билан машғулмиз. Корхонамиз энди иш бошлаган кезлари бюджет ташкилотлар ва хусусий тадбиркорларга фақат 5-6 турдаги озиқ-овқат маҳсулотларини етказиб берган бўлсак, айни кунда 130 турдан ортиқ озиқ ва ноозиқ-овқат маҳсулотларини етказиб бераёلمиз. Бу товарларнинг аксари маҳаллий ишлаб чиқарувчилар ва МДХ давлатларидан харид қилинмоқда.

Тадбиркор билан суҳбатла-



шар эканмиз, бугунги кунда уни ўйлантириб турган масалалар ҳақида ҳам билишга қизиқдик. — Албатта, сўнгги йилларда тадбиркорларга катта имкониятлар, қўлай шарт-шароитлар яратиб берилмоқда. Бундан жуда мамнунмиз. Айниса, охириги 2-3 йилдаги йирик ислохотлар натижасида тадбиркорликка тўсиқ бўлиб турган қўллаб муаммолар ўз ечимини топди. Биргина валюта бозорини эркинлаштириш борасидаги саъй-ҳаракатларнинг ўзи қатор муаммоларимизни ҳал этди. Бироқ қилиниши лозим бўлган ишлар ҳали бисёр.

Биринчи навбатда, барча соҳаларга АКТларни кенг жорий этиш ва интернет тармоғида юртимизнинг барча ташкилоту идоралари ҳақида

маълумотлар базасини шакллантириш ҳамда уларнинг веб-сайтлари фаолиятини жонлантириш зарур. Чунки бу замон талаби. Бир ўйлаб кўринг, хорижлик инвестор ёки бирор ишлаб чиқарувчи ички бозоримиз, мамлакатимиз ҳақида қаердан маълумот олади. Албатта, интернетдан. Божхона ёки солиқ тўловлари тартиб-қоидаларини билиш учун ҳам интернетга мурожаат қилади. Афсуски, бу борда бизда етарли маълумотлар интернетга жойланмаган. Оқдидий бир мисол, биз хорижлик ишлаб чиқарувчиларга маҳсулот буюртма қилсак, уларнинг аксари товарни Қозғистон, яъни юртимиз чегарасигача олиб келиб беришини айтади. Сабабини сўраганимизда эса

улар биздаги божхона хизмати тўловлари ҳақида маълумот топа олишмаганини таъкидлайди. Қолаверса, чет элдан бирор маҳсулот олмоқчи бўлсак, юртимизга кириб келиш нархини билиш учун бир неча кун ахборот тўплашга тўғри келади. Агар шу ишни қўшни давлатларда амалга оширишга бўлсангиз, йигирма дақиқагина вақт сарфлайсиз. Афсуски, давлат ташкилотлари ахборотлар билан ишлаш, уларни тадбиркор ва инвесторларга тақдим этиш борасида ҳали кўп тер тўкишига тўғри келади.

Яна бир муҳим масала — бу барча тизимларга сўнгги технологияларни жорий қилишдир. Айниқса, қишлоқ хўжалиги соҳасига. Чунки жаҳонда қўл меҳнатидан фойдаланиш борган сари қисқариб бормоқда. Барча юмушларни техника бажаряпти. Мисол учун, йирик, бир неча гектарлик иссиқхоналарда бор йўғи тўрт-беш киши ишлайди. Бундай қўлайлик маҳсулотлар таннархини янада арзон бўлишига ҳам таъсир кўрсатади. Афсуски, бизда ҳамон асосий иш қўл меҳнатидан бажарилимоқда.

Қолаверса, юртимизда замонавий технологияларни ишлаб чиқарувчи корхоналарни ҳам

барпо этиш зарур. Чунки айни дамда қўллаб технологиялар мамлакатимизга хориждан валюта ҳисобига келтирилади. Агар ўша технологияларни ўзимизда ишлаб чиқариш йўлга қўйилса, ўйлайманки, бир неча бор арзон тушади. Уларга техник хизмат кўрсатиш ҳам қўлай бўлади.

Яна бир оғриқли нуқтаимиз — бу кадрлар масаласи. Чунки XXI техника асрида бирор техника ёки компьютерни қандай ишлашини билмайдиган ёшларимиз қўллаб топилади. Бир ўйлаб кўринг, кўчада қанчадан-қанча ёшлар иш излаб юрибди. Қўлидан фақат кетмон чопишу қурилишда ишлаш келади, холос. Агар уларнинг ҳеч бўлмаганда компьютер саводхонлигини оширсак, қанчадан қанчаси ишчи бўлиши мумкин.

Дарҳақиқат, тадбиркорнинг сўзларидан жон бор. Чунки бугун шиддат билан тараққий этиб бораётган замонда, унга ҳамнафас бўлишнинг ягона шарти ҳам сўнгги технологияларни билиш ва уни ҳаётга татбиқ этишдир. Шундай экан тадбиркорнинг муҳим фикрлари тегишли ташкилотлар томонидан инобатга олинади, деган умиддамиз.

Бобур МУҲАММАДИЕВ



## ТАНЛОВГА



Шухрат ОРИФ

Шухрат ОРИФ (Орипов) – Фарғона вилояти Учқўприк туманида туғилган. Тошкентдаги Республика Нафис санъат лицейини, Ўзбекистон Миллий университети журналистика факультетининг бакалавр ва магистратура босқичларини тамомлаган.

Ўзбекистон Республикаси Президентининг ҳузуридаги Давлат ва жамият қурилиши академиясида таҳсил олган. 1997 йилда Ўзбекистон Ёзувчилар уюшмаси аъзолигига қабул қилинган.

Айни вақтда акциядорлик тижорат "Қишлоқ қурилиш банк"да Коммуникациялар ва жамоатчилик билан ишлаш босқирмаси бошлиғи вазифасида ишлайди.

"Шухрат" медали соҳиби.

## Бир марта...

Бир марта кўзимиз бўлди рўбарў -  
Фаслар чалкашиб, ақлдан озди.  
Гўёки ҳайитлик олган боладек  
Булуллар ўзини йўқотаёзди.  
Ногаҳон тириклик исини туйдим,  
Умрим – лаҳзаларнинг қўлида қарта.  
Юлдузлар суюнчи олади Аршдан,  
Мени ўйласангиз агар бир марта.  
Тоғлар термулади чордана қуриб,  
Уларнинг тақдири боғлиқдир сизга.  
Минг йилга узайди дунёнинг умри,  
Бир марта севаман деганингизга.  
Уммонлар чайқалиб ўқийди такбир,  
Минг йилда тангрининг бир кўнгли тўлди.  
Олинг, шу дунёни мен сизга бердим,  
Лабингиз бир марта энтикса бўлди...



\*\*\*

Сиздан бир ишора кифоя,  
Рухим тазарруга шайланар.  
Дунёсини кўмаман ишққа -  
Бу дунё дунёга айланар.  
Сиздан бир ишора кифоя,  
Тошлар висол истаб гуллайди.  
Ийртиқ чопондаги бу очун  
Ўзидан уялиб қулайди...  
Сиздан бир ишора кифоя,  
Тоғлар елка тугиб тизилар.  
Кўзингизга термулиб ўтсам,  
Минг йиллик ёлғонлар сизилар.  
Сиздан бир ишора кифоя,  
Юлдузлар айтади саловат.  
Шамолга кулгудир йилларим,  
Беринг бир лаҳзалик ҳаловат!  
Сочингизга унсиз кўмилай,  
Сўнгакларим айтсинлар оят.  
Асраб қолайинми дунёни -  
Сиздан бир ишора кифоя...

## Бир кун...

Бир кун бу боғларга фусун қайтарму,  
Матонат топарму яна гуллашга?!  
Ахир бу гулларнинг атрини истаб  
Тангри бандасига кўнгил улашган.

## Сиздан бир ишора кифоя...

Эркака етармикан бир кун бу тоғлар,  
Тилга кирадимки сукутдан толиб?!  
Кўзларидан сизиб чиқолмаган қон  
Бўғзидан отилар вулқон мисоли...  
Дарёлар бир куни йиғидан тўхтаб,  
Чопиб чиқадими ўзанларидан?!  
Сахроларга сингиб кетавердилар -  
Ишорани кутиб само қаъридан...  
Бир кун бу булуллар толиб ҳаловат,  
Дўпписини ечиб, қаҳ-қаҳ урарми?!  
Улар Аршга йўлни тополмадилар,  
Ахир гуноҳи йўқ эди уларни...  
Бир куни ғалати туш кўриб дунё,  
Улоқтириб кўҳна занжирларини,  
Қизик, қай манзилга чопиб бораркан,  
Кимга айтар экан бу сирларини...  
Бир кун аригайми кўзимдаги мунг,  
Бир кун пичирлашдан тинарми бу лаб?!  
Кўзгунин олдида хижолат тортмай,  
Жимгина кетардим Одамга ўхшаб...

\*\*\*

Тошлоқ боғларида энтикиш туйдим,  
Деворга суюниб турар шотутлар.  
Ялмоғиз дунёнинг энг гўзал қизи  
Ҳар куни ясашиб онамни кутар...  
Боладек ортимдан эргашади кун,  
Қанисан ўзимга олиб борар из.  
Шамолдек дайдиман йўлларингизда,  
Тақдири сочидек жингалак Наргиз.  
Замин юрагимга боғлаб қўйилган,  
Юлдузлар - тангрига етмаган хатим.  
Дунёни енгаман, лекин қизимга  
Исмнинг кўйишга етмас журъатим...  
Тугаб бораепман ипак куртидек,  
Оҳ ишққа айланиш қанчалар ҳузур!  
Зикр туширади қовурғаларим:  
Маҳшаргача энди сўраймиз узр...  
Умрим - лаҳзаларнинг қўлида тасбех,  
Сизни бир куйдириб, ўзим минг куйдим.  
Мен-ку эсламасдим.. рости.. шунчаки,  
Тошлоқ боғларида энтикиш туйдим...



## Шунчаки...

Шунчаки кўзларим очилди -  
Бир лойқа дарёга қўшилдим.  
Билмасам ўтардим ҳузурда,  
Афсуски, ҳаммасини билдим...  
Шунчаки жилмайиб турибман,  
Ичимда минг йиллик довуллар.  
Аршга термулганча илҳақ жон,  
Шовуллар, шовуллар, шовуллар...  
Юзини яширар мендан ой,  
Кўёш ҳам ингранди шоша.  
Бошини чайқайди булуллар:  
Ҳаммаси томоша, томоша...  
Шунчаки турибди қўлда май,  
Ўлиб борар миллионта ҳис.  
Қани чалмайсизми ноғора,  
Бир ўйнаб бераман кўрасиз...  
Илтижо қиламан тангрига,  
Нега дунёнинг мен дайди?  
Шунчаки инглизтир фалакни,  
Шунчаки муҳаббат... бўлмайди!  
Ҳар кеча йўлимга интиқ ёр,  
Ёнингга бораман шунчаки.  
Фақат кўзларимга тикилма,  
Ҳўнграб юбораман шунчаки...

## Манзара

Япроқлар шивирлар – саволлари  
кўп,  
Япроқлар шитирлар – тили  
кесилган.  
Дарахлар тазарру онини англаб,  
Қўйлагини ечиб жойнамош қилган...  
Кимдир келишини кутар ўриндик,  
Гўё ниманидир келган фурсати.  
Тангри бандасини бунча севмаса -  
Видо борлигини қўяр кўрсатиб...  
Қўққа соғуриди яна бир имкон...  
Сокин талвасада титрайди олам.  
Йиғилар оралаб хиргойи қилиб,  
Халлослаб бозорга кетмоқда одам...

## ДИҚҚАТ ТАНЛОВ!!!

Адабиётнинг ўз жозибаси, сеҳри,  
оҳанрабоиси бор. Унга асир бўлмаган  
қалб топилмаса керак.

Барча соҳада бўлганидек банк хо-  
димлари орасида ҳам умид билан  
ўзларини ижодда синаб юрган ходим-  
лар кўплаб топилди. Биз ана шундай  
ижодкорларнинг машқларини  
"Мутулаа" саҳифасида ёритиб бориш-  
ни ва шу асосда танлов ўтказишни ре-  
жалаштирдик. Ҳолиб деб топилганлар  
йил охирида махсус мукофот ва совға-  
лар билан тақдирланади.

Танловда иштирок этишни хоҳлаган-  
лар ўз ижод намуналарини куйида-  
ги @bank\_axborotnomasi телеграм  
канали маъмурига жўнатишлари  
мумкин.



## ЕТТБнинг адабий мукофоти ўзбек романига насиб этди

Ҳамид Исмоилининг "Жинлар базми"  
романи Европа тикланиш ва тараққи-  
ёт банкнинг 20 минг евролик адабий  
мукофотини қўлга киритди. Бу романни  
мунаққидлар «Ўзбек тахтлар ўйини» деб  
таърифлаган.

Европа тикланиш ва тараққиёт банкнинг  
адабий мукофоти Мароккадан Мўғулистон-  
гача, Эстониядан Мисргача, жами 40 та мам-  
лакат ёзувчиларини қамраб олган. Мукофот  
инглиззабонлар учун ҳам тааллуқли бўлган,  
умуминсоний ғоя ва муаммолар тасвирлан-  
ган полифоник асарларга берилди.

"Жинлар базми" романи Буюк Британияда  
инглиз тилига ўғирилган. Роман 2017 йили  
"Академнашр" нашриётида "Жинлар базми  
ёхуд катта ўйин" номи билан ўзбек тилида  
ҳам нашр қилинган.

Танловда иштирок этган роман ўзбек ти-  
лидан инглиз тилига таржима қилинган би-  
ринчи романдир. "Жинлар базми" романи  
икки қисмдан иборат бўлиб, биринчи қисмда  
Ойхон тақдирни қаламга олинади. Иккинчи  
қисмда эса таниқли ўзбек ёзувчиси Абдулла  
Қодирийнинг қамалиши ва 1930 йиллардаги  
зиёлилар қатағони фожиаси очиб берилди.  
Романинглиз тилига инглиз таржимонла-  
ри Доналд Рейфилд ва Жон Фарндон таржи-  
ма қилишган.

Финалда латвиялик ёзувчи Нора Икстен  
ва поляк ёзувчиси Олга Токарчук ҳам ишти-  
рок этган.

Ўтган йилги мукофотни турк ёзувчиси  
Бурҳон Сенмез "Истанбул, Истанбул" романи  
учун қўлга киритган эди.

minbar.uz

## БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси  
Марказий банки

"Norma Hamkor" МЧЖ

"Moliya yangiliklari agentligi" МЧЖ

БОШ МУҲАРРИР

Ўқтам АБДУЛЛАЕВ

НАШР УЧУН МАСЪУЛ

Бобур МУҲАММАДИЕВ

Реклама ва маркетинг хизмати

Тел: 99897 776 60 18

71 232 45 32

Факс: 71 232 43 98

Нашр индекси-102.

Ахборот кўмаги

ЎЗА

Таҳририят манзили:

100060. Тошкент ш., Шахрисабз кўча-  
си, 23-уй e-mail: info@banknews.uz,  
www.banknews.uz телеграм каналимиз  
@bank\_axborotnomasiЧоп этишга тайёрловчи "Moliya yangiliklari  
agentligi" МЧЖ Газета таҳририятининг техник уску-  
наларида саҳифаланди.Таҳририятнинг фақат ёзма розилиги билан "Банк  
ахборотномаси" да зълон қилинган материалларни  
кўчириб босишга ижозат берилди. Қўлёзмалик тақриз  
қилинмайди ва қайтарибмайди. Газета Ўзбекистон  
Матбуот ва ахборот агентлиги томонидан 2012 йил  
10 январда 0065-тартиб рақами билан рўйхатга олинган.  
Газета ҳафтада бир марта — пайшанба куни чиқади.

Буюртма № 303

Адади 2685 нусха

Нархи шартнома асосида.

Газета А3 ҳажмида, 2 шартли босма табоқда чоп этилди.  
Босишга рухсат этилди: 13.03.2019 й.,  
1 2 3 4 5

"Шарқ" нашриёт-матбаа акциядорлик компанияси босмахонасида чоп этилди. Корхона манзили: Тошкент ш. Буюк Турон кўчаси, 41-уй.